



**DRŽAVNA
MAFIJA**

Sramno hapšenje lidera SBB-a

POLITIČKA MONTAŽA RADONČIĆU!

Radončić:
Žrtva
dugogodišnje
montaže

Advokat Barbarić: Radončić mi je rekao da je ovo politički montirani proces
● SBB: Neviđen pokušaj eliminacije političkih protivnika ● Adamović: Ovo je prelilo čašu ● Brutalan policijski upad u redakciju „Dnevnog avaza“



Specijalci SIPA-e u redakciji „Dnevnog avaza“: Neće nas uplašiti (Foto: B. Nizić)



Iznošenje kompjutera iz redakcije našeg lista



Press SBB-a BiH sinoć: Brutalna zloupotreba institucija i poluga pravosudnog sistema (Foto: F. Fočo)



Glavni urednik „Avaza“ Faruk Vele pred novinarima: Demonstracija sile

- Fahrudin Radončić **uhapšen** je na području Hadžića
- Upad u redakciju „Dnevnog avaza“ u **14.55** sati
- **Pokušaji montaža** Radončiću traju od 2009. godine
- Zijad Turković 13. januara 2016. u prijetećem pismu **najavio hapšenje** Radončića
- **Brojne osude** pokušaja zastrašivanja novinara i urednika

Ono što je „Dnevni avaz“ na svojim stranicama prepoznao kao provociranje tihog državnog udara, jučer se u crnom scenariju i obistinilo! Pripadnici Državne agencije za istrage i zaštitu (SIPA) u skladu s onim što je, znakovito, najavio šef zločinačke organizacije Zijad

Turković, a potom javno govorio potpredsjednik SDA Asim Sarajlić, kao i pojedini mediji, obistinilo se - lider SBB-a Fahrudin Radončić, dugogodišnji trn u oku državne mafije, uhapšen je!!! Time se sa mnogo argumenata može tvrditi da je Radončić žrtva notorne političke montaže.

Prethodno su istražitelji SIPA-e u pratnji specijalaca s dugim cijevima izvršili upad u redakciju „Dnevnog avaza“, što je drska demonstracija sile. Mi svojim

čitaocima poručujemo: Neće nas uplašiti!

Također, zahvaljujemo svim našim kolegama, strukovnim udruženjima koji su osudili policijsku brutalnost nad našim novinarima i urednicima.



Orić: Tereti se za ratne zločine

Sud BiH Početak sudeња Oriću

► U Sudu BiH danas počinje suđenje Naseru Oriću, ratnom komandantu Srebrenice. Orića Tužilaštvo BiH tereti za ratne zločine počinjene u julu 1992. godine na području Bratunca i Srebrenice. Osim Orića, optužnicom je obuhvaćen i Sabahudin Muhić. *M. Aš.*

Medžlis Sarajevo Osuda skrnavljenja spomenika

► Medžlis Islamske zajednice Sarajevo i Džematski odbor Osjek, povodom skrnavljenja nadgrobnih spomenika na pravoslavnom groblju u naselju Osjek, izrazili su iskreno žaljenje zbog ovog necivilizacijskog, neljudskog i nereligioznog postupka pojedinaca. - Pozivamo nadležne policijske službe da otkriju i procesuiraju počinioc ovog gnusnog čina - saopćeno je iz Medžlisa.

„Hidrogradnja“ Radnici ispred Vlade FBiH

► Stotinjak radnika „Hidrogradnje“ okupilo se jučer ujutro ispred zgrade Vlade Federacije u Sarajevu zahtijevajući zaustavljanje procesa prodaje upravne zgrade te kompanije. Predstavnik radnika Redžep Tufekčić rekao je da bi oni pristali da Vlada preuzme upravnu zgradu ukoliko radnicima budu uplaćeni zaostali doprinosi.

www.avaz.ba

PORTAL - komentar dana



UREDNIČKI KOLEGIJE „DNEVNOG AVAZA“: Ovo je brutalna demonstracija sile nad novinarima i urednicima, nećete nas uplašiti!

- „Dnevni avaz je najtiražniji bosanskohercegovački list, poznat po beskompromisnom anti-korupcijskom novinarstvu, koji je tokom dvije decenije objavljivanja uspio raskrinkati brojne afere i tako pomoći demokratizaciji društva.“

Mirmesa Kalajac

DRŽAVNA MAFIJA Najgori čin montiranog političkog procesa

Zašto je hapšenje SBB-a tihi državni

Kako su zločinac Turković i kompromitirani Sarajlić znali i najavili hapšenje Radončića pravdali se novinarima zašto su dio harange • Pokušaj rušenja koalicije zloupotre

Posljednji čin crnog scenarija tihog državnog udara, koji se već neko vrijeme priprema u Bosni i Hercegovini, odvio se jučer pred očima bh. javnosti. Naime, baš na dan kada je „Dnevni avaz“ objavio tekst s tim naslovom, službenici Državne agencije za istrage i zaštitu (SIPA) i pravosudni aparat šokantno su zloupotrijebljeni u nezapamćenom pokušaju političke elimina-



Sarajlić: Bespoštedna borba za fotelje

Izetbegović: Koalicioni partner na udaru montaže

cije i izazivanja opće nestabilnosti vlasti te u sklopu toga i za brutalan pritisak na slobodu medija.

- Postupajući po nalogu Tužiteljstva BiH, policijski djelatnici SIPA, lišili su slobode Radončić Fahrudina. Navedeni osumnjičeni pod istragom je i osumnjičen je za kazneno djelo ometanja rada pravosuđa. Uporedo sa lišenjem slobode, po naredbi Suda BiH vrše se pretresi na nekoliko lokacija - saopćeno je jučer iz Državnog tužilaštva.

Niz događaja

U trenucima kada je saopćenje odaslano medijima, u redakciju „Dnevnog avaza“



Inspektori SIPA-e: Radili po nalogu Tužilaštva



Specijalci SIPA-e ispred zgrade u kojoj je smještena redakcija „Avaza“

za“, među iznenađene novinare i urednike, već su upali do zuba naoružani specijalci u pratnji inspektora s revolverima za pasom. Mi samo radimo svoj posao, kazali su nam specijalci s maskama, vjerovatno da se onako ljudski opravdaju što su silom prilika dio harange.

A da se upravo o tome radi, apsolutno je jasno iz niza događaja koji se već nekoliko sedmica redaju te otkrivaju zbog čega je upravo u ovom trenutku lider Saveza za bolju budućnost BiH izložen najgorem

činu montiranog procesa koji ima za cilj, kako to jasno kažu i analitičari i javnost, njegov politički odstrel.

Istovremeno, hapšenje Radončića i udar na „Dnevni avaz“, koji je on utemeljio i koji je simbol njegovog ličnog uspjeha i snage, iako već duže vrijeme kao politički funkcioner nije vlasnik kompanije niti izdavač našeg lista, očito su pokušaj da se zloupotrebom pravosuđa onemogući funkcioniranje koalicije SDA-SBB.

Reformska agenda

Upravo u destabilizaciji te koalicije, koja je na temelju Reformske agende uspostavila funkcionalniju vlast, krije se motiv isplaniranog tihog državnog udara, odnosno korištenja državnog aparata da se skroji ili razloži koalicija koja će vladati po mjeri onih koji su režirali scenarij. Niz posljednjih događaja potvrđuje stav da su istraga i hapšenje Radončića te zastrašivanje „Avaza“ dio tog udara.

Krenut ćemo unazad - od burnog vikenda unutar Stranke demokratske akcije

Kako razbiti koaliciju

Nakon jučerašnjih dešavanja jasno je da do njih nije došlo slučajno u vrijeme kada stižu prvi značajni pozitivni efekti koalicije SDA-SBB.

Država 15. februara predaje aplikaciju za Evropsku uniju, Federacija BiH povećala je izvoz, smanjila uvoz, napravljen je najbolji trgovinski skor nakon rata,

a najavljeni su ili započeti neki strateški projekti poput gradnje hidroelektrana, toplovoda, vjetroparkova...

Sve su ovo indikatori da BiH može biti jača, ali postoje političke snage kojima to nije u interesu te čine sve da to zaustave. Razbijanje funkcionalne koalicije, kakvu BiH do sada nije vidjela, prvi je korak.

Dokazi završili u medijima

U emisiji „Tema dana“ BHT-a sinoć je otvoreno pitanje koje je jučer veoma intrigiralo bh. javnosti, a to je kako su navodni dokazi iz Radončićevog slučaja završili u medijima prije pojave u sudni-

ci. Pitanje je bilo, ko to daje? - Daje ona ko ih ima - kazao je advokat Adamović, dodajući da to rade budale među tužiocima koji žele biti popularni i krunisati karijeru.

(SDA), koja je ušla u novi unutrašnji klinč zbog fotelja u „BH Telecomu“.

Žučno se boreći da njegovi ljudi, umjesto kadrova SBB-a, budu postavljeni za izvršne direktore u ovoj fir-

mi, Asim Sarajlić, potpredsjednik SDA, otkazao je poslušnost predsjedniku SDA Bakiru Izetbegoviću.

On je to obrazložio tvrdnjom da će „Radončić ionako biti uhapšen (!?)“, pa mu



Piše: Faruk VELE

(fvele@avaz.ba)

Mafijo, nećeš uspjeti!

Ovo nije samo montaža Fahrudin Radončiću, ovo je montaža državi BiH koja je pred pilikom da izgubi posljednju šansu

Nisam ni slutio koliko sam bio u pravu kada sam baš u jučerašnjem broju „Dnevnog avaza“ objavio analizu kojom smo nedvosmisleno dokazali da se u ovoj zemlji priprema tihi državni udar i da postoje otrgnuti centri moći, uključujući i pojedince u vladajućoj SDA, s pipcima u pravosuđu, policiji, (para)obavještajnom sektoru, medijima i drugim strukturama, koji su spremni učiniti sve, pa i montaže, brutalne progone i pakovanja nevinim ljudima samo da bi sačuvali svoje pozicije i moć unutar nekoliko familija u ovoj zemlji!

Samo jedan cilj

Istovremeno su igrali na dva kolosijeka. Najprije su brutalnim policijskim upadom specijalaca s dugim cijevima u redakciju „Dnevnog avaza“, saslušanjem urednice Indire Čatić, pretresima dijela prostorija i izuzimanjem nekih predmeta nastojali ušutkati ovaj list.

Htjeli su da prestraše i rastjeraju novinare i urednike kako ovi ne bi razotkrali montaže koje u svojoj suštini imaju za cilj destabilizaciju bošnjačkog političkog faktora i cijele BiH samo da bi se sačuvala pozicije i moć unutar nekoliko familija u ovoj zemlji! Hoće li stati, pokazat će naredni dani.

Nekako istovremeno uhapšeni su i lider SBB-a Fahrudin Radončić kao nosilac ideja evropske, sekularne i multietničke BiH, koji se raznim čamparama, sarajličima i drugima zamjerio govoreći im da neće uspjeti instalirati fildžan-državu, vladavinu nekoliko porodica, državu koju će krčmiti za svoj džep i u kojoj će se hapsiti i brutalno proginiti svi koji ne govore i ne rade ono što žele oni u vrhovima vlasti, uključujući i pojedince iz SDA, koji su bili u panici da će ih se jednog dana pitati za njihova nedjela.

Fahrudin Radončić je nevin, brutalna žrtva montaže i progona!

To je jasno od prvog dana i onima koji su mu tako brutalno montirali, od izmišljanja navodnog naručivanja ubistva Bakira Hadžimerovića, preko laži da je naređivao Zijadu Turkoviću (čovjeku s iskaznikom AID-a) da ubija, a kada je sve to palo, uslijedila je podvala o ubistvu Ramića Delalića Čele i na koncu optužbe za pritiske na pravosuđe. I sve samo s jednim ciljem, da bi se eliminirao politički neprijatelj! O tome su jučer jasno govorili funkcioneri SBB-a, ali i pojedini ugledni advokati.

Jer, kako drugačije nego montažom nazvati činjenicu

da iz KPZ-a Zenica lideru SBB-a hapšenjem najprije prijeti mafijaš Zijad Turković, koji izdržava 40-godišnju kaznu, da to isto ponavlja šef Kadrovske komisije SDA Asim Sarajlić, koji danima po Sarajevu govori o Radončićevom hapšenju, da hapšenje najavljuju neki mediji, dok drugi brže-bolje objavljuju navodne dokaze protiv Radončića?! Zar stvarno mislite da je to slučajno?!

Previše smo mi u bh. javnosti vidjeli „velikih akcija“ koje su završavale oslobađajućim presudama da bismo vjerovali da se u ovom slučaju može govoriti o neovisnom pravosuđu, a ne upotrebi politički navedenih tužilaca. Potvrđuje to i Nikolas Hil (Nicholas Hill), bivši zamjenik američke ambasadorice, koji na odlasku izjavi da se za glavnog tužioca BiH „uvelike smatra da je pod ozbiljnim utjecajem političkih snaga“ te da „u Tužilaštvu radi previše slijepih poslušnika SDA“!!!

Bošnjačka koalicija

Da budemo jasni, ovdje je riječ o progono čovjeka koji je bio i ostao trn u oku državne mafije i zato ga se toliko boje! Uostalom, sudbinu sličnu Radončićevoj doživjeli su Mirko Šarović, Dragan Čović, Mladen Ivanić...

No, ovo nije atak na Radončića. Prije ili kasnije istina će doći na vidjelo. Ovo je montaža državi BiH i pokušaj uništavanja njene posljednje šanse da krene evropskim putem. Da ponovim, bez jakog bošnjačkog političkog faktora nema stabilnosti BiH, bez stabilne BiH nema Bošnjaka. Oni koji rade protiv toga, rade i protiv države i Bošnjaka. Uprkos ogromnoj silini pritisaka da se ona razvali, jaka bošnjačka koalicija, koja se najprije našla na udaru iz Srbije, mora opstati! Mora uinut onima koji žele razvaliti ovu državu.

Ovo je prilika i lideru SDA i bošnjačkom članu Predsjedništva BiH Bakiru Izetbegoviću da pokaže je li govorio istinu, je li dosljedan vizijama velike koalicije ili će pokleknuti pred onima koji će sutra i na njega još žešće udariti!

Kako god, novinare i urednike „Dnevnog avaza“ neće prestrašiti. Ovaj list bit će svjetionik borbe za slobodu, demokratsku, nezavisnu i sekularnu BiH.

I, zapamtite, neće nas uhapsiti i zaplašiti!

P. S. Velika hvala našim brojnim kolegama, stotinama njih, koji su jučer dali podršku „Dnevnom avazu“, a protiv policijske torture. Hvala Borki, Ljiljani, Amiru, Vanji, Orhanu, Velimiru...

Hil: U Tužilaštvu radi previše slijepih sljedbenika SDA

Srećom, međunarodna zajednica ozbiljno shvata dešavanja u pravosuđu. Dokaz je i tekst zamjenika američke ambasadorice u BiH Nikolasa Hila (Nicholas Hill) u njegovom oproštajnom blogu:

- Da bi trajno učvrstilo reputaciju vjerdostojne institucije,



Hil: Otkrio pravo stanje

Državno tužilaštvo pod vodstvom glavnog tužioca za kojeg se uvelike smatra da je pod ozbiljnim utjecajem bošnjačkih političkih snaga, treba revnosno raditi na svojoj depolitizaciji. Također, imamo saznanja da u Tužilaštvu radi previše slijepih sljedbenika SDA - napisao je Hil.




Turković i zlokbno pismo koje je upućeno predsjedniku Radončiću još 13. januara ove godine, samo nekoliko dana prije hapšenja: Kako mafijaš u zatvoru zna šta radi Tužilaštvo

Radončiću šokirao bh. javnost

lidera udar

● Policajci s maskama, onako ljudski, bom SIPA-e i pravosudnog aparata



stoga nema potrebe davati bilo kakve pozicije. Takav Sarajlićev potez derogiran je telefonskom sjednicom Vlade u nedjelju, kada su, ipak, imenovani usaglašeni kadrovi, što je očito dodatno razbjesnilo klan kojem Sarajlić pripada te po-

kazalo da određene političke strukture unaprijed znaju koje će biti uhapšeni. A ako znaju, sigurno da na to imaju i utjecaja.

Još je neko, očito, znao šta se Radončiću sprema - vjerovatno jer je dio istog poli-

tičkog i kriminalnog kruga - i to poslao u prijetećem pismu. To je drugi u nizu događaja koji otkriva šta se, zapravo, dešava.

Sve za fotelje

Osuđeni okorjeli kriminalac Zijad Turković, mafijaš i ubica, poslao je prije nekoliko dana pismo u kojem najavljuje ovakav scenarij, prijeteći Radončiću hapšenjem, i to su mediji objavili nakon što je saopćeno iz SBB-a! Apsolutno je šokantno i pokazuje svu bezobzirnost montaže činjenica da mafijaš u zatvoru, sada se pokazalo, pouzdano i unaprijed

zna šta Tužilaštvo BiH sprema!!!

Još nekoliko dana ranije, u sličnoj akciji, uhapšeni su kandidat SBB-a za ministra prometa i komunikacija Bakir Dautbašić te Bilsena Šahman, ugledna članica ove stranke. Uhapšeni su baš na dan kada je Dautbašić zvanično potvrđen za kandidata. Nevjerovatna je koordiniranost akcija pravosudnih organa s političkim događajima. To je hapšenje, očito, bilo samo uvod u ono što smo gledali proteklih dana, a što se, evro, razvija u tihi državni udar.

S. DEGIRMENDŽIĆ

Podrška Radončiću na FB-u

Nakon što su jučer pripadnici Državne agencije za istrage i zaštitu na području općine Hadžići uhapsili predsjednika Saveza za bolju budućnost Fahrudina Radončića, građani BiH reagirali su kreira-

njem grupe na socijalnoj mreži Facebook pod nazivom „Podrška Fahrudin Radončiću“. Ta grupa samo za nekoliko sati postojanja prikupila je više od hiljadu članova, a broj raste iz sata u sat. E. H.

Dragan Barbarić, advokat predsjednika SBB-a, za „Avaz“ Nema nijednog dokaza da je Radončić ometao pravdu

Dragan Barbarić, advokat Fahrudina Radončića, rekao nam je sinoć da predsjednik SBB-a nije jučer saslušan u SIPA-i, nego da su obavljene aktivnosti koje se odnose na pretres imovine. Prema njegovim riječima, pretres će biti nastavljen i sutra, a Radončić je zadržan u prostorijama SIPA-e.

- Nešto se ovdje traži čega nema. Radončiću stavljaju na teret ometanje pravde, u vezi s procesom koji se vodi na Kosovu. Tu se traže neki



Barbarić: Traže nešto čega nema

dokazi. Ja ne vidim šta se tu može naći, koji dokazi. Oni tvrde da je za sutra (utorak, op. a.) zakazan nastavak pretresa, ali kakvog, ne znam. Nešto kao traže, ali niko ne zna šta, koji su to dokazi - kaže Barbarić.

Barbarić kaže da je jučer razgovarao s Radončićem, koji mu je kazao da smatra da je „ovo politički motiviran proces“ te da je iz svega prethodnog što se dešavalo bilo vidljivo da će do ovoga doći. M. AŠČIĆ



Predstavnički dom: Izmjene zakona

PD PFBiH Dvodnevna sjednica

► Dvodnevna sjednica Predstavničkog doma Parlamenta FBiH počće danas u Sarajevu. U najavljenom dnevnom redu su izmjene nekoliko federalnih zakona. Predloženo je i više drugih odluka, među njima deklaracija kojom poslanik Kasim Mulalić traži da Predstavnički dom izrazi protivljenje odlaganju radioaktivnog otpada iz Hrvatske uz granicu te zemlje s BiH.

Konjuh



Konjuh: Rješavanje problema

Prekinut štrajk

► Nastavljajući prošle sedmice započete aktivnosti na traženju rješenja za uvezivanje staža 52 radnika „Konjuha“ Živinice, koji su stekli pravo na penziju, savjetnik federalnog premijera Suvad Osmanagić jučer je ponovo primio delegaciju te kompanije. Predstavnici štrajkača, koji su, nakon sastanka u četvrtak zamrznuli štrajk, odlučili su da on bude prekinut.

Sastanci Spašavanje TTU-a

► Premijer Tuzlanskog kantona Bego Gutić izjavio je jučer u Sarajevu, nakon sastanka s federalnim premijerom Fadilom Novalićem, da su „Elektroprivreda BiH“ i RMU Banovići ponovo iskazali interes za formiranje zajedničkog preduzeća u Tvornici transportnih uređaja u Tuzli (TTU).

Istakao je da još nisu stvoreni potrebni uvjeti za realizaciju tog projekta, jer prethodno moraju biti formirani organi stečajnog postupka u TTU-u.

SARAJEVO

Savez za bolju budućnost nakon hapšenja lidera stranke

Politička montaža čiji je cilj destabilizirati Bošnjake i BiH!

Privođenje predsjednika SBB-a Fahrudina Radončića krajnje je neprimjerena demonstracija sile i do sada nezabilježen pokušaj eliminacije političkih protivnika od porodično-kriminalnih klanova

Savez za bolju budućnost Bosne i Hercegovine jučer je najoštrije osudio, kako je navedeno, besprizornu zloupotrebu pravne države od pojedinaca iz pravosudne mafije.

Saopćenje je sinoć na vanrednoj konferenciji za novinare, uz prisustvo članova najužeg rukovodstva stranke, pročitao potpredsjednik SBB-a Mirsad Donlagić.

Centri moći

- Privođenje predsjednika SBB-a Fahrudina Radončića krajnje je neprimjerena demonstracija sile i do sada nezabilježen pokušaj eliminacije političkih protivnika od porodično-kriminalnih klanova i odmetnutih centara moći. Savez za bolju budućnost je potpuno uvjeren da je predsjednik Fahrudin Radončić apso-



Donlagić s rukovodstvom stranke: Radončić je apsolutno nevin

lutno nevin te da je riječ o besprizornoj političkoj montaži koja za cilj ima

destabilizaciju bošnjačkog političkog faktora, a time i destabilizaciju Bosne i Hercegovine - istakao je Donlagić.

Indikativno je, dalje je naveo Donlagić, da u vrijeme kada svjedočimo stabilizaciji prilika u Federaciji i BiH u cjelini, kada je nova koalicija počela otvarati evropsku perspektivu Bosne i Hercegovine i kreirati ambijent za bolju i prosperitetniju budućnost svih

građana, „na sceni imamo brutalnu zloupotrebu institucija i poluga pravosudnog sistema“.

Sramni čin

- SBB ima puno povjerenje u sposobnost pravne države i vjeruje u poštenje i profesionalizam časnih ljudi u Tužilaštvu i pravosuđu BiH. SBB će iskoristiti sve demokratske instrumente i mehanizme političke borbe da razobliči podlu montažu

i demaskira divljanje kriminalnih elemenata u pravosudnim i porodično-kriminalnim strukturama u BiH. Sigurni smo da će ovaj sramni čin pravosudnih institucija BiH u konačnici dovesti do razobličavanja i demontaže kriminalnog miljea oličenog u vezama teško presuđenih kriminalaca i odmetnutih struktura u Sudu i Tužilaštvu BiH - stav je SBB-a koji je pročitao Donlagić. **A.Du.**

(Foto: F. Fočo)

Ogromno nezadovoljstvo među članstvom i građanima!

Donlagić je naglasio da je ovaj čin izazvao ogromne tenzije i nezadovoljstvo brojnog članstva SBB-a, simpatizera i građana širom BiH te je apelirao na

članstvo da ne poduzima nikakve ishitrene i pojedinačne aktivnosti te da prate saopćenja i uputstva rukovodstva stranke u narednom periodu.

Kosovski advokat za agenciju Anadolija

Beriša: Hapšenje Radončića je političko, on nije imao razloga da ometa istragu

Nema logike da on ometa slučaj u kome nije okrivljeni, već svjedok, kaže advokat u slučaju Keljmenđija

Hapšenje predsjednika Saveza za bolju budućnost Fahrudina Radončića je političko i nema nikakve veze sa slučajem Namera Keljmenđija, izjavio je za tursku agenciju Anadolija Besnik Beriša, advokat odbrane Namera Keljmenđija.

Advokat Beriša ocjenjuje da Radončić nije imao nikakvog razloga da ometa istragu u slučaju Keljmenđija, jer je bio samosvjedok.



Beriša: Radončić je svjedok

- Radi se više o političkom hapšenju nego na osnovu pravnih činjenica i nema nikakve logike da on ometa slučaj u kome nije okrivljeni, već ima status svjedoka - istakao je advokat Beriša za tursku državnu novinsku agenciju.

Kosovska policija je Keljmenđija uhapsila u maju 2013. godine na osnovu međunarodne potjernice izdate u Bosni i Hercegovine.

Predsjedavajući Predsjedništva BiH Čović: Radončić je nagovijestio ovakav razvoj događaja

Uvjeren sam da će Radončić znati da se iznese s ovim iskušenjem, rekao Čović

Dragan Čović, predsjedavajući Predsjedništva BiH, komentirao je sinoć u Zenici privođenje predsjednika SBB-a Fahrudina Radončića.

-Nedavno smo imali razgovor nekoliko predsjednika stranaka i gospodin Radončić je dao naznake za takve aktivnosti. Teško mi je bilo šta komentirati, ali sam siguran da će kolega i prijatelj Radončić znati da se iznese s ovim iskušenjem. O dešavanjima sam sada samo upoznat iz medija - izjavio je Čović sinoć novinarima uoči obilježavanja 26. godišnjice zeničkog HDZ-a.



Čović: SBB daje čvrstinu koaliciji

On je, također, rekao da će učiniti sve potrebno na očuvanju uspostavljene koalicije, jer joj SBB daje potrebnu čvrstinu. **A.Dž.**

PODSJEĆAMO Lider SBB-a u javnim nastupima ogolio političko-pravosudnu aferu

Kako je podmetano Radončiću

Nakon jučerašnjeg hapšenja Radončića, u interesu javnosti podsjećamo da je on u nedavnom intervjuu za Face TV prvi put otkrio kako je politička montaža počela još 2009. godine, s početkom formiranja SBB-a, te pokušajem da se ocrni njegov politički kredibilitet

U intervjuu datom 25. decembra prošle godine za Face TV, Fahrudin Radončić, lider SBB-a i delegat u Domu naroda Parlamentarne skupštine BiH, prvi put je govorio o političkoj montaži u sklopu koje mu tužilac Dubravko Čampara kroz proces protiv Namera Keljendija perfidno podmeće tobožnju umiješanost u ubistvo Ramiza Delalića Čele.

Kako su politizirali

Nakon jučerašnjeg hapšenja Radončića, u interesu javnosti podsjećamo na dijelove tog Radončićevog intervjuu u Centralnom dnevniku Senada Hadžifežović, gdje je otkrio kako je politička montaža počela još 2009. godine, s početkom formiranja SBB-a, a sve s pokušajem da se ocrni njegov politički kredibilitet.

Radončić je, naime, pred kamerama pokazao nekoliko novinskih tekstova iz 2009. godine o nepostojećim prijetnjama ubistvom tadašnjem novinaru Bakiru Hadžiomeroviću, koje su policija i Obavještajno-sigurnosna agencija (OSA) BiH kao takve i zabilježile te pozicionirale Radončića kao jednog od navodnih organizatora?

- Vidite, ovo je tekst „Policija u Sarajevu istražuje prijetnje novinara“

Bitićijev DNK

Lider SBB-a podsjetio je u intervjuu za Face TV i da je upravo Dubravko Čampara, koji sada s državnog nivoa Delalićevo ubistvo pokušava pripisati nekom drugom, dok je bio kantonalni tužilac u Sarajevu raspisao međunarodnu potjernicu za Ljirimom Bitićijem.

Tada je, naime, utvrđeno da je DNK koji je nađen na prigušivaču oružja kojim je ubijen Delalić pripadao Bitićiju.



RADONČIĆ:
Od izmišljanja 'naručenog ubistva Bakira Hadžiomerovića' do slučaja 'Keljendi'

Iz intervjuu za 'Telering': U ovakvim situacijama ima mnogo prstiju

Važno je podsjetiti i na Radončićev intervju od 17. januara ove godine na OBN-u, u emisiji „Telering“ Mate Đakovića, gdje je lider SBB-a odgovarao na pitanja voditelja i u vezi sa slučajem nedavnog hapšenja Bakira Dautbašića, kandidata SBB-a za državnog ministra, te Bilsene Šahman, članice SBB-a.

- U trenucima kada se u BiH stabilizirala vlast u Federaciji, kad su građani počeli da osjećaju da se

pravi jedan koncept izlaska iz krize, kada se osjetilo da ta nova koalicija SDA - SBB može dati jedan razvojni rezultat i stabilizirati stanje i biti jedna pozitivna tačka da se BiH rehabilitira u međunarodnim, međuentitetskim, političkim i ekonomskim odnosima i u jednoj blagoj euforiji koja se napravila, odjednom se dogodila jedna vrsta nepotrebne, iznenadne i snažne eksplozije. Došlo je do hapšenja dva funkcionera SBB-a, u trenutku kada je gospodin Bakir Dautbašić predložen za ministra prometa i komunikacija - rekao je

Radončić.

Podsjetio je da je Dautbašić desetak godina bio sekretar Ministarstva sigurnosti, vodio Strukturalni dijalog te bio čovjek koji je uradio fenomenalne poslove za ovu zemlju u borbi da se sačuva bezvizni režim.

Dodatno je pojasnio da „u ovakvim situacijama ima mnogo prstiju“.

- Ima ljudi koji su bili na vlasti, a nisu znali biti vlast. Pa su sada razočarani i sada koriste privatne kanale kako bi zakomplicirali nečiji život. Ima ljudi koji bi se sada voljom našli u vlasti ne zato da

bi nešto uradili, nego da bi krali kao što su krali. Imate i porodičnih interesa. Možda gospodin Dubravko Čampara. Ne optužujem ga, govorim hipotetički. Njegov rođeni brat je ministar policije FBiH. Njegov najbliži rođak je gospodin Zvizdić, njihove majke su rođene sestre. Možda je čovjek navalio na mene kao smrt na babu bojeći se da ja ne postanem predsjedavajući Vijeća ministara. Moguće da imate neke bizarne motive da neko nekoga eliminiše sa scene - izjavio je Radončić 17. januara u emisiji „Telering“.

iz 2009. godine, od 12. novembra, o tome da policija ima saznanja da su Naser Keljendi i Naser Krujezi, osobe poznate kao pripadnici organiziranog kriminala, zajedno s Fahrudinom Radončićem, vlasnikom kompanije „Avaz“, platili stanovitoj osobi iz Beograda kako bi se obavilo ubistvo Bakira Hadžiomerovića, našeg uvaženog kolege.

Imate i tekst iz „Oslobođenja“, uz koji je objavljena i službena depeša, i imate da je naša obavještajna služba i njen tadašnji i doskorašnji direktor rekao da se to prati, ali se zbog velike istrage protiv učesnika sastanka to ne problematizira. Imamo i dokument koji kaže: „Krim. obavijest, obavještajni podatak koji ima pouzdanost A“, da su ta lica, odnosno ja i ova dvojica, dala novac da se ubije Bakir Hadžiomerović, urednik emisije „60 minuta“.

Mi svi znamo da je, hvala Bogu, gospodin Bakir Hadžiomerović preživio, da mu se ništa nije desilo, ali imate jednu

vrlo ružnu stvar i ja ću vam je ovdje pokazati. Ja sam tada formirao stranku i neko je htio da me ponizi s tim Keljendijem. Data je izjava tužitelju, mislim gospodinu Čavki (Oleg, op. a.), da je to stvarno budalaština - rekao je Radončić i dodao:

- Godine 2015., 25. februara, skinuta je zaštita Bakiru Hadžiomeroviću, jer se ispostavilo da niko ne želi da ga ubije - ni Radončić, ni Keljendi. Ali, dozvolite - ovo nisu moji podaci - šta i koliko to košta građane Bosne i Hercegovine, kada policija politizira stvari.

Portparol MUP-a KS Irfan Nefić na pres-konfere-

25. jula 2015. godine.

Hoću reći, da bi meni podmetnuli slučaj „Keljendi“, potrošili su ogromne materijalne, finansijske i ljudske resurse policije, koja je, umjesto da čuva građane u tramvajima da ih ne ubiju ili bodu nožem djecu, čuvala jednog novinara i uvaženog kolegu bez ikakvog razloga - obrazložio je Radončić kako je počela politička montaža protiv njega.

Dalje je pojasnio kako su „te prljavštine nastavljene insinuacijom da na Kosovu postoji optužnica protiv njega“.

Naime, bh. javnosti također je poznato kako nikakva optužnica protiv Ra-

Također, poznato je i postojanje odluke Suda u Prištini, iz koje je potpuno jasno da Radončić nije mogao biti osumnjičena osoba. Tu pod tačkom 7. stoji: „Fahrudin Radončić nije optužen u ovom predmetu. Tužilaštvo je predložilo da se od njega uzme iskaz u svojstvu svjedoka.“

'Nedostupni' ministar

No, sve to je iskorišteno za perfidne zloupotrebe, koje je Radončić, također, pojasnio u intervjuu za Face TV, govoreći o podmetanjima koja su mu vršena dok je obavljao dužnost državnog ministra sigurnosti.

- Znaete koje su zloupotrebe? Šejla Jugo, supruga Zike Turkovića, u našem tužilaštvu izjavila je da sam ja naručio ubistvo Ramiza Delalića, s kojim sam, uzgred, bio prijatelj. I zamislite sad, ja sam aktivni ministar sigurnosti, a Tužilaštvo BiH mene proglašava nedostupnim - naveo je Radončić.

Riječ je, naime, o tome da je Radončić, dok je obavljao funkciju ministra sigurnosti, po službenoj dužnosti i zakonskim propisima imao 24-satno policijsko osiguranje koje je vršila Direkcija za koordinaciju policijskih tijela BiH, a u isto vrijeme Tužilaštvo BiH tvrdilo je da je Radončić - nedostupan!?

Vrlo je indikativno i to da je, iako je sud donio odluku da se Radončićovo ime čak ne smije ni spominjati pod tačkom 1. u ovom predmetu, vijest o optužnici u kojoj se navodi njegovo ime pročitana upravo na dan kada je on predao kandidaturu za bošnjačkog člana Predsjedništva.

M. KUKAN

Šejla i Čampara

- Zamislite da jedna država proglasi nedostupnim ministra sigurnosti i da se on ne može izjasniti na riječi jedne žene koja je dio zločinačke organizacije, koja je ukupno osuđena na 95 godina zatvora i gdje je pravosudnom presudom utvrđeno da ima 50-60 hiljada maraka na njenom računu od pranja novca, odnosno pljačke aerodroma!? I umjesto da ona bu-

de u zatvoru, gospodin Čampara od nje pravi političku činjenicu.

Hoću da kažem da je u formalno-pravnom smislu to (Čamparina montaža, op. a.) mrtvorodenče kao što je i bilo ovo za gospodina Bakira Hadžiomerovića. I supruga Ramiza Delalića na suđenju je rekla da su to brutalne laži, i jedna i druga i treća - istakao je Radončić u intervjuu za Face TV.

nciji naglasio je da upravo policija nije zaprimila prijavu od Hadžiomerovića. Na osiguranju Hadžiomerovića i njegove adrese stanovanja, molim vas obratite pažnju, utrošeno je 12.900 radnih sati policijskih službenika na osiguranju, dok je vozilo u pratnji utrošilo 38.399 kilometara, a na mjestu stanovanja policija je provela 35.720 radnih sati, 24-satno osiguranje, rekao je Fatmir Hajdarević, šef ureda policijskog komesara,

dončića ne postoji te je on pred kamerama pokazao poziv Tužilaštva s Kosova u kojem se decidirano navodi: „Dostavlja se poziv Osnovnog suda u Prištini za saslušanje u svojstvu svjedoka Fahrudinu Radončiću.“

Radončić je, podsjetimo i na to, najavio da će se sa zadovoljstvom odazvati pozivu za svjedočenje te istakao da je već kosovskim pravosudnim organima poslao i kopiju svog pasoša.

REAKCIJE

Saopćenje Uređivačkog kolegija te svih novinara i urednika

Nećete nas uplašiti!

Pozivamo čitaoce, javnost, neovisna novinarska udruženja i organizacije da nas, kao i u proteklih 20 godina, podrže na ustrajnom putu borbe za slobodnu, demokratsku, sekularnu Bosnu i Hercegovinu

Službenici Državne agencije za istrage i zaštitu (SIPA) izvršili su jučer nešto prije 15 sati upad u prostorije redakcije „Dnevnog avaza“ u Tešanjskoj ulici u Sarajevu, saopćio je jučer Urednički kolegij najtiražnijeg bh. lista.

- Riječ je o brutalnom pritisku na slobodu medija i pokušaju zastrašivanja, jer su upad u redakciju „Dnevnog avaza“,

osim inspektora, izvršili i specijalci SIPA-e naoružani dugim cijevima - rečeno je.

Raniji slučajevi

Za ovakvu demonstraciju sile nad našim novinarima i urednicima nije bilo potrebe, jer su „Dnevni avaz“ i njegov izdavač „Avaz-rotopress“ poznati po visokoprofesionalnom i transparentnom radu, bez ijedne mrlje u 20-godišnjoj povijesti.

- U vezi s tim, istražitelji SIPA-e, kao i u nekim ranijim slučajevima, na vrijeme su imali priliku dobiti od nas sva potrebna saznanja te nije bilo potrebe za bilo kakvim prepadima. No, u ovom slučaju, kao i u prošlogodišnjem upadu u redakciju Klixa, radi se o

pokušaju notornog policijskog zastrašivanja naših urednika i novinara, što se pokušavalo i u više navrata ranije - saopćeno je.

„Dnevni avaz“ je najtiražniji bosanskohercegovački list, poznat po beskompromisnom antikorupcijskom novinarstvu, koji je tokom dvije decenije objavljivanja uspio rasrinkati brojne afere i tako pomoći demokratizaciji društva.

Ustrajni na putu

- Takvo opredjeljenje ovog lista, koji se nije mogao potkupiti i uplašiti, očito je problem nekima u ovom društvu koji žele da u njemu vlada nekoliko porodica i da za to ama baš nikome ne odgovaraju. Nismo se uplašili ni prilikom brojnih drugih

Dugim cijevima na slobodu novinarstva!

Nakon reakcije Državne agencije za istrage i zaštitu (SIPA) u kojoj se navodi da istražitelji te agencije jučer nisu pretresali službene prostorije „Dnevnog avaza“, Urednički kolegij „Dnevnog avaza“ osuđuje pokušaje dezavuiranja javnosti.

Upadu SIPA-e u prostorije našeg lista svjedočile su desetine bh. novinara ispred naše zgrade u Tešanjskoj ulici, kao i novinari

„Dnevnog avaza“ u redakciji. Maskirani specijalci SIPA-e, s dugim cijevima, upali su u prostorije redakcije, gdje svoje poslove obavljaju novinari i urednici našeg lista. Također, pojedini predmeti izneseni su iz redakcije lista.

Mada su istražitelji SIPA-e uglavnom korektno postupali prema našim ljudima, ulazak njihovih kolega specijalaca s dugim cijevima u službene prostorije lista,

kao i njihovo postavljanje ispred ulaza u redakciju, nedvosmisleno ukazuje na to da je riječ o brutalnoj demonstraciji sile. Radi ispravnog informiranja javnosti, objavljujemo fotografije fotoreportera „Avaza“ koje nedvosmisleno dokazuju ove riječi.

Također, i inspektori SIPA-e su jučer obavili i razgovor sa pomoćnicom glavnog urednika 'Dnevnog avaza' Indirom Catić u svojstvu svjedoka.

sličnih prepada, prijetnji, pokušaja zastrašivanja, pa nećemo ni ovoga puta - istaknuto je.

Pozivamo čitaoce, javnost, neovisna novinar-

ska udruženja i organizacije da nas, kao i u proteklih 20 godina, podrže na ustrajnom putu borbe za slobodnu, demokratsku, sekularnu Bosnu i Herce-

govinu. Ideja slobodne i demokratske Bosne i Hercegovine, kao i bilo koja druga ideja, neće se i ne može ugušiti dugim cijevima!

Novinari, urednici, vozači, distributeri, službenici i drugi uposlenici najveće medijske grupacije u BiH i regionu: Nismo se uplašili ni prilikom brojnih drugih sličnih prepada, prijetnji, pokušaja zastrašivanja, pa nećemo ni ovoga puta



'Dnevnog avaza'



1. Inspektori SIPA-e u redakciji 'Dnevnog avaza' sa advkaticom Vasvijom Vidović i direktorom naše kompanije Seadom Numanovićem **2.** Inspektori SIPA-e odnose računar iz naše redakcije **3.** Specijalci SIPA-e s dugim cijevima kontrolirali su svaki ulaz i izlaz iz redakcije **4. i 5.** Maskirani i naoružani specijalci SIPA-e među uposlenicima naše redakcije



UKRATKO



Dautbašić i Jusić: Kandidati SBB-a

SIPA završila provjere kandidata za VM BiH

Pozitivan nalaz za Dautbašića i Jusića

► Savjetnica za medije u Uredu predsjedavajućeg Vijeća ministara BiH Amela Mulavdić kazala je jučer za Fenu da je iz Državne agencije za istrage i zaštitu (SIPA) stigao pozitivan nalaz nakon što je završena provjera kandidata za državnog ministra prometa i komunikacija i za zamjenika ministra odbrane Bakira Dautbašića i Seada Jusića.

Policijски službenici SIPA-e provjeravali su tačnost informacija koje su predloženi kandidati naveli u obrascima Centralne izborne komisije (CIK) BiH.

Dautbašića i Jusića predložio je na te funkcije Savez za bolju budućnost BiH nakon što su dosadašnji ministar prometa i komunikacija Slavko Matanović te zamjenik ministra odbrane Emir Suljagić smijenjeni zbog toga što je njihova stranka, Demokratska fronta, istupila iz koalicije na vlasti.

IKER FERER
GOTIĆ,
novinarka- Sreća je biti okružen zaista
divnim individuuama.TANJA
FAJON,
političar- Egoizam u EU je izuzetno
opasan. Vrijeme je da se
probudite i na pravi način
nosite s izbjegličkom krizom.

Ombudsmeni




Razgovarano o saradnji

Podrška PSBiH

► Predsjedavajući Doma naroda Parlamentarne skupštine (PS) Bosne i Hercegovine Ognjen Tadić i njegova dva zamjenika Sakib Softić i Bariša Čolak razgovarali su jučer s novim sazivom Ombudsmena za ljudska prava BiH. Razgovaralo se o saradnji dvije institucije i budućoj podršci PSBiH Instituciji ombudsmena za ljudska prava.

Dodik



Dodik s predsjednicima NSRS

NSRS o referendumu

► Predsjednik RS Milorad Dodik rekao je jučer u Banjoj Luci da će na sljedećoj sjednici NSRS biti razmatrana odluka o raspisivanju referenduma u vezi s odlukom Ustavnog suda BiH. Dodik je održao sastanak s predsjednikom NSRS Nedeljkom Čubrilovićem i dosadašnjim predsjednicima ove institucije. G.D.

Narodna skupština Republike Srpske

Milanko Mihajlica ostaje

► Redovna sjednica NSRS bit će održana 9. februara. Predsjednik NSRS Nedeljko Čubrilović rekao je da na Kolegiju nije bilo govora o smjeni predsjednika skupštinskog Odbora za bezbjednost Milanka Mihajlice. Šef Kluba poslanika SDS-a u NSRS Vukota Govedarica rekao je da očekuje da će zaključak skupštinskog Odbora za bezbjednost za smjenu Mihajlice biti stavljen ad akta. G.D.

PORUKE Bivši sudija Suda BiH Vlado Adamović

Adamović:
Dosta je više
spektakularnih
hapšenjaOvo je prelilo
čašu, u zatvor će
ili Radončić ili
neko od tužilaca!

Tužilaštvo BiH mora imati valjane razloge za privođenje lidera SBB-a, u protivnom, radi se o anarhiji, rekao ugledni advokat

Ugledni advokat i bivši sudija Suda BiH Vlado Adamović gostovao je sinoć u emisiji „Pošteno“, gdje je rekao da Tužilaštvo BiH mora imati valjane razloge za privođenje Fahrudina Radončića, lidera SBB-a, u protivnom, kako kaže, radi se o anarhiji.

Važne pozicije

- Ovaj slučaj treba apostrofirati zato što inače postoje dvije vrste djela gdje je javnost jako zainteresirana - ili je posljedica takva da zgražava javnost ili se radi o nekoj poznatoj ličnosti ili visokom formalnom autoritetu. Kada se Tužilaštvo odluči da privede nekoga ko ima takav formalni autoritet u ovoj zemlji, onda ja zaista vjerujem da ima debele razloge za to, a u protivnom, to bi bila anarhija - kazao je Adamović.

Odgovornost tužilaca

Adamović je rekao da je u BiH u svakoj profesiji došlo do „šaranja“.

- Nikakva vam garancije više nije da ćete, kada uđete u bolnicu, tamo zahtevati doktora koji će vam spasiti zdravlje. Naići ćete na budalu koja će vam uništiti zdravlje. Uđete u sud, naidete na budalu koja će vam uništiti život. Uđete u tužilaštvo koje ima mogućnost diskrecionog odlučivanja, pa će reći

ovako: „Ja ne odgovaram, ja sam imao osnov sumnje i to je moj posao i ja sam to uradio, ja sam uhapsio ministra, to što ga je sud oslobodio, nema veze“. E, tu je osnovna greška. Tužilac odgovara i s obzirom na svojstva i okolnosti. Dakle, bio je dužan da zna da se to neće moći izvesti pred sud. Takve slučajeve treba ispitati. Kada će te institucije početi raditi za narod - upitao je Adamović.

Što brže okončati predmet

Naglasio je da bi se jedan predmet, za koji su zainteresirani i profesionalni i javni krugovi, trebao što brže okončati te da se treba izvući pouka iz ranijih slučajeva.

Rekao je da su odluke koje Radončić kao moćan političar donosi važne za hiljade ljudi te da onaj ko se odluči procesuirati takvog čovjeka, mora voditi računa o tome šta će biti ako se dokaže da nije kriv.

- Iskreno se nadam da će sudstvo, prije svega, poučiti ili se sjetiti šta je bilo s hapšenjem visokorangiranih političkih osoba ranije. Koje je to posljedice izazvalo, to još niko nije ispitao, ali je sasvim sigurno da je odvođenje takvih ljudi s vrlo važnih pozicija izazvalo posljedice koje se ni danas ne znaju. Sad smo

- Svi ovi zvučni slučajevi su se otezali kao trkavica, da bi poslije dvije ili tri godine ostali samo gorka uspomena za te ljude. Svi su trajali godinama. Evo, otprilike, ovaj pred-

met se može, ako se starta večeras, za najviše tri mjeseca privesti kraju. Ja pozivam, jer vrijeme je da se najzad počne raditi kako treba - kazao je Adamović.

došli do samog vrha, nije važno ime gospodina Radončića, ali nemojte zaboraviti da čovjek vodi jednu od najznačajnijih političkih bošnjačkih stranaka u državi, nemojte zaboraviti da je on aktivan učesnik u sastavljanju Vlade, nemojte zaboraviti da spada u one političare od čije riječi zavisi sudbina stotina hiljada ljudi - istaknuo je Adamović.

Također, rekao je da vjeruje u pojedince u pravosuđnom sistemu, ali da u cijeli pravosuđni sistem, ipak, ne vjeruje.

- Da nije bilo niza procesa koji su spektakularno započinjali, a na kraju završavali oslobađajućim presudama, narod bi imao više povjerenja u to sudstvo. Danas, ono što se sijalo u to doba, s razlogom se žanje. Zbog toga se danas o gospodinu Radončiću govori na ovaj način. Šta ćemo ako čovjek izađe nakon mjesec i ispostavi se da ništa nije bilo? Zašto možemo nešto takvo tvrditi, pa zato što imamo iskustvo iz niza takvih predmeta. Na drugoj strani, svi hoćemo vjerovati u sudstvo, pa neka sudstvo sad pokaže,

met se može, ako se starta večeras, za najviše tri mjeseca privesti kraju. Ja pozivam, jer vrijeme je da se najzad počne raditi kako treba - kazao je Adamović.

jer je ovo slučaj koji je prelilo čašu po svojim posljedicama - rekao je Adamović.

On je dodao da sudstvo mora biti toga svjesno, posebno zbog momenta u kojem se ovo dešava, jer je to moment konsolidacije određenog korpusa.

Truhla država

- Čini mi se da je ovaj državi krenulo u nekom boljem pravcu i upravo se sada to desilo. Ili će Radončić završiti u zatvoru ili će neki tužilac završiti u zatvoru, jer dosta je više spektakularnih hapšenja koja imaju refleksiju na sve nas, a onda za mjesec ništa. Ko će platiti građanima BiH usporavanje razvoja BiH hapšenjem visokostaknutih političara, posebno kad se desi u momentu kad svi ljudi imaju nadu da će krenuti nabolje, onda imamo razloga vjerovati da to neko iza nekog ugla radi namjerno. Ako je rješenje da svi ti ljudi odu, pa neka odu, ali ako se politički protivnici iskaljuju preko veza u Tužilaštvo i ako tužioci pristaju na to, onda je ova država trula iznutra - rekao je Adamović. E.Ma. - E.H.

Ministar vanjske trgovine i ekonomskih odnosa BiH Mirko Šarović

Radončiću želim sve najbolje,
jer sam bio u sličnoj situaciji

Ministar vanjske trgovine i ekonomskih odnosa BiH Mirko Šarović rekao je sinoć u emisiji „Pošteno“ da je lično šokiran hapšenjem Fahrudina Radončića te da za sada ne može iznijeti neku stranačku reakciju jer je suviše rano za to. S gospodinom Ra-

dončićem sam imao odličnu saradnju tokom našeg zajedničkog rada u Vijeću ministara 2013. godine. Ovo će sigurno ostaviti određene posljedice na ukupne političke odnose u BiH. Gospodinu Radončiću želim sve najbolje, jer sam i ja bio u sličnoj situaciji.

Savršeno razumijem to i polazim od toga da je svako nevin dok se suprotno ne dokaže - kazao je Šarović.

Šarović se osvrnuo i na hapšenje Bakira Dautbašića, za kojeg je SIPA jučer dala pozitivno mišljenje za imenovanje za ministra pro-



meta i komunikacija BiH. - Jedino mogu da kažem da ću ja glasati za bilo koji prijedlog koji dođe od predsjedavajućeg Vijeća ministara gospodina Denisa Zvizdića za popunu Vijeća ministara BiH - pojasnio je Šarović. E.H. - E.Ma.

REAKCIJE „BH novinari“ osudili jučerašnju akciju po nalogu Tužilaštva

Upad u redakciju 'Avaza' udar je na slobodu medija

Smatramo nedopustivim demonstriranje sile prema „Dnevnom avazu“ i njegovim novinarima te rušenje integriteta medija i ograničavanje prava na slobodu izražavanja

Upravni odbor Udruženja „BH novinari“ uputio je javni protest Tužilaštvu BiH i Agenciji za istrage i zaštitu (SIPA) zbog upada maskiranih i dugim cijevima naoružanih policajaca u redakciju „Dnevnog avaza“ te zastrašivanja i ispitivanja novinara i urednika ovog dnevnog lista.

Ograničavanje prava

- Upravni odbor „BH novinara“ podržava aktivnosti pravosudnih institucija i sigurnosnih agencija usmjerenih ka otkrivanju kriminalnih djela i hapšenju osoba koje su prekršile zakon. Istovremeno, u ovom konkretnom slučaju, smatramo nedopustivim demonstriranje sile prema „Dnevnom avazu“ i njegovim novinarima te rušenje integriteta medija i ograničavanje prava na slobodu izražavanja kroz upad

Maskirani i dugim cijevima naoružani policajci jučer u redakciji „Dnevnog avaza“

(Foto: B. Nizić)



naoružanih policajaca u redakciju ovog medija – navodi se u saopćenju.

Generalni sekretar Udruženja „BH novinari“ Borka Rudić rekla je da se solidariza s novinarima i urednicima „Dnevnog avaza“.

- Moje lično mišljenje je da novinari podržavaju svaku akciju koju provode nadležne sigurnosne agencije i pravosudne institucije. Ali ono što je u ovom trenutku vrlo važno jeste da se nemojemo

narušiti integritet medija, u ovom slučaju „Dnevnog avaza“, da se ne smiju dovesti u pitanje sigurnost i dostojanstvo novinara koji rade u redakciji „Dnevnog avaza“. Mislim da ne postoji nikakav razlog ni opravdanje da maskirani policajci, s dugim cijevima, upadaju u bilo koju redakciju, pa tako ni u redakciju „Dnevnog avaza“ – kazala je Rudić.

Ona je navela da postoje drugi načini, legitimni i zakonski, za dobivanje

informacija i dokumenta od značaja za istragu od novinara i urednika te da je intervencija u samoj redakciji potpuno bespotrebna.

Nema razloga

- Solidarišem se s kolegama. Nadležni trebaju raditi, ali nema razloga upadati u redakciju, jer je to jedan medij. To je udar na slobodu medija i ograničavanje prava na slobodu izražavanja – istakla je Rudić. **E. MASLO**



RUDIĆ:

Solidarizira se s novinarima i urednicima „Dnevnog avaza“

Vijeće za štampu u BiH

Osuda brutalnih upada naoružanih pripadnika SIPA-e u 'Avaz'

Dokumentacija iz arhiva medija se može dobiti legitimnim putem, a ne načinom zastrašivanja novinara i demonstracijom sile

Vijeće za štampu u BiH uputilo je jučer „javno reagiranje na brutalni upad naoružanih i maskiranih pripadnika Agencije za istrage i zaštitu“ (SIPA) u redakciju lista „Dnevni avaz“.

Upravni odbor (UO) Vijeća za štampu ističe da „pozitivne istražne radnje Agencije i Tužilaštva u cilju otkrivanja i sprečavanja kriminalnih radnji i djela određenih osoba ne mogu biti pravdanje za slanje dugim cijevima naoružanih policajaca u redakciju medija, ispitivanje novinara i onemogućavanje njihovog slobodnog rada“.

- Takvoj smo situaciji



Vijeće za štampu: Demonstracija sile

(Foto: B. Nizić)

svjedočili i prije godinu, kada je grupa naoružanih specijalaca upala u istu redakciju, s pravdanjem traženja objavljenog intervjua o trije nekoliko godina. Ako je za istragu bilo koje vrste potrebna određena dokumentacija iz arhiva medija, ona se može dobiti legitimnim putem, a ne načinom zastrašivanja novinara i demonstracijom sile u redakciji medija. Takvo zastrašivanje ostavlja posljedice na rad novinara, njihov osjećaj lične sigurnosti i slobode rada – navodi se u saopćenju UO Vijeća za štampu u BiH.



Radončić: Dobrotvor, državnik i gazija na meti pokvarenih političara koji gube tlo pod nogama

Ličnost dana Fahrudin Radončić

Na putu pobjede

Očekuje ga borba s političko-pravosudnim hijenama, ali uz njega je 200.000 glasača i sve više onih kojima je ovo otvorilo oči

Jučer je uhapšen Fahrudin Radončić, predsjednik Saveza za bolju budućnost i osnivač najtiražnijeg medija u zemlji „Dnevnog avaza“. Uhapšen je pod optužbom da je ometao rad pravosuđa, a šta to u prijevodu znači, znaju samo oni koji su dali nalog za njegovo hapšenje. Da će biti uhapšen, Radončiću su odavno slati signali, tačnije, prijetnje iz krugova političkog podzemlja, za čije je vladavine sve što je znalo misliti i raditi u ovoj zemlji maknuto s javne scene. Neko u zatvor, neko u mezar, nekonaulicu...

Veliki graditelj

Radončić se svih ovih godina borio protiv takvih. Nije dao da ga ucjenjuju, prepadaju, radio je i gradio, a šta je produkt njegovog rada, odavno nije nikakva tajna. Napravio je najveći medijski sistem u zemlji „Avaz“, izgradio najveće i najljepše zgrade u Sarajevu, osnovao političku stranku, drugu po snazi u državi... To najbolje znaju BiH i njeni građani, koji su mu poklonili i poklanjaju veliko povjerenje na svim dosadašnjim izborima. Od svega toga on je lično imao najmanje koristi, a najviše brige i neprospavanih noći, iako bi bilo ko na njegovom mjestu, umjesto borbe za svoj narod i državu, izabrao mirniji život u hladu svojih postignuća.

Ali u trenutku kada je vidio da političko-reketaški minder u Sarajevu želi pod svaku cijenu napraviti haos u državi i time potpuno razvaliti bošnjački politički faktor, čime bi bili stvoreni uvjeti za dovršetak pljačke u dijelu države gdje Bošnjaci čine većinu, kao ozbiljan političar i svjestan Bošnjak, Radončić je prešao preko svih dosadašnjih nespornosti sa SDA i napravio koaliciju s ovom strankom. Time je stvoren snažan bošnjački politički blok u zemlji, koji je odmah stabilizirao stanje u državi.

Kome je, onda, trebalo hapšenje Fahrudina Radončića? Pa trebalo je onima kojima je snažna SDA-SBB koalicija pokvarila finansijske i porodične talove u kojima se godinama nekažnjeno bogate na račun naroda.

Nije sam

Hapšenje su ubrzali događaji oko imenovanja rukovodećih struktura u „BH Telecomu“, gdje je imenovanje novih ljudi izazvalo velike poremećaje i u samoj SDA.

Radončića, očito, očekuje teška borba s političko-pravosudnim hijenama u zemlji. Neće mu biti lako, a ni prvi put. Do sada je uvijek izlazio kao pobjednik. A u toj borbi nije ni sam. Sve je više onih kojima su i ovi posljednji događaji otvorili oči. **A. HADŽIĆ**

Politički analitičar Duško Vejnović Ne radi se o teroristima već o novinarima!

Politički analitičar i profesor na Univerzitetu u Banjoj Luci Duško Vejnović, povodom jučerašnjeg upada maskiranih i dugim cijevima naoružanih policajaca u redakciju „Dnevnog avaza“, istakao je da su pripadnici SIPA-e mogli koristiti mnogo blaže metode jer se radi o novinarima eminentne medijske kuće, a ne o teroristima s eksplozivom i puškama.

- Pitanje je samo metoda na koji je to SIPA izvela. Radi o eminentnoj medijskoj kući i stoga metode rada trebale su biti prilagođene, da bi institucija i dalje mogla nastaviti s radom. Pravosuđni organi uvijek imaju obrazloženje za svoje istrage, a istraga se mogla provoditi i blažim metodama, a ne ovako da bi se uznemirila cijela medijska kuća i stvorila klima da ljudi taj dan ne mogu raditi svoj posao – mišljenja je Vejnović.

Dodao je da provođenje



Vejnović: Eminentna medijska kuća

istrage niko ne spori te da susamo metode sporne.

- Neko je od nadležnih odlučio da se upravo na ovaj način uradi. Vjerovatno je to ciljano urađeno, jer se ovdje ne radi o jurnjavi terorista s eksplozivom, već o medijskoj kući i novinarima. Ovakve metode svakako imaju utjecaj na rad novinara i na sve ljude u redakciji – naglasio je Vejnović. **E.H.**

Srđan Vukadinović, politički analitičar Upad u redakciju 'Avaza' je destrukcija demokratije

Politički analitičar Srđan Vukadinović ocijenio je da upad pripadnika SIPA-e s dugim cijevima u redakciju „Avaza“ predstavlja direktan atak na slobodu mišljenja, a samim tim i na demokratsku strukturu bh. društva.

- Sigurno da je ova akcija SIPA-e jedan pokušaj pritiska na medije. To je jedna destrukcija demokratije i svega što se naziva „pravima medija“. Kada u medijske kuće, koje bi trebale biti paradigma slobode duha, upadaju policijske strukture, onda to nije ništa drugo nego dirigrana aktivnost nekih centara moći da se ograniče mediji koji otvoreno pišu o proble-



Vukadinović: Sloboda mišljenja

mima u društvu, o odrđenim grupama koje destruktivno djeluju. Mediji su glas razuma, glas demokratije, onda na ovakav način sve destruirate – istakao je Vukadinović. **K.Ke.**

Sindikalista Amer Toskić Nedopustiv upad SIPA-e u 'Avaz'

Predsjednik Sindikata grafičkih, izdavačkih i medijskih radnika BiH Amer Toskić oštro je osudio upad Državne agencije za istrage i zaštitu (SIPA) u redakciju „Dnevnog avaza“.

- Ovo je jasan primjer da svi oni koji se drznu obračunati s kriminalom od 1996. pa do danas, prolaze ovako kao što je izvršen upad u „Avaz“, jer ta medijska kuća u posljednjih šest mjeseci piše upravo o onim najgorim i najžešćim pljačkama koje su se dešavale u proteklih 20 godina. Očito da to smeta tom kriminalnom mi-



Toskić: Osveta onima koji pošteno rade svoj posao

ljeu koji je filtriran duboko i u sam vrh politike – kazao je Toskić.

On je rekao da je nedopustivo da pripadnici SIPA-e upadaju i demonstriraju silu, snagom i moć nad novinarima, umjesto da se bave mnoštvom kriminalaca koji hodaju gradom.

- Neka to primjenjuju nad tim licima, a ne nad medijima koji časno i pošteno rade svoj posao. Ovo je i osveta onih koji su dezertirali za vrijeme rata, koji su tada govorili da to nije njihov rat, a onda su se pojavili 1998. da zauzimaju visoke funkcije – kazao je Toskić. **E.Ma.**

ANKETA Kako komentirate hapšenje Fahrudina Radončića

Nije ovo prvi montirani proces, neko na ovom hapšenju gradi karijeru

Zenica

- Vjerujem da je sve ovo naštimano i da neko na ovom hapšenju gradi karijeru i pokušava blagotvorno biti Fahrudina Radončića.



Mustafa Šehić

- Vjerovatno je u pitanju nekakav montirani proces. Nije ovo prvi takav slučaj i vjerujem da će pravda biti zadovoljena.



Adis Bešić

- Sud i tužilaštvo trebaju raditi svoj posao, ali mislim da su na pogrešnoj adresi i da će Fahrudin Radončić biti oslobođen.



Š.H. - A.Dž. Sead Tahirović

Tuzla

- S obzirom na to da su nam sudstvo i tužilaštvo u potpunosti ispolitizirani, smatram da ovo hapšenje ima za cilj slabljenje reformskog bošnjačkog političkog faktora i snaga koje se zalažu za evropsku BiH.



Adi Selman

Mislim da je to samo još jedna u nizu farski političkih elita u BiH koje, očito, nemaju ideje, intelektualni ni stručni kapacitet, kao ni volju ni želju da ovu zemlju pvedu putem prosperiteta.



Nijaz Bašić

Šokirana sam i ogorčena informacijom da je Fahrudin Radončić uhapšen jer je on jedini čovjek koji može ovu zemlju izvesti iz krize.



A. Bu. - E. Sk. Mersija Buljugić

Sarajevo

- Meni ovdje mnogo toga nije jasno. O svemu se pričalo odavno. Upad u redakciju svakako osuđujem, mislim da novinari nemaju ništa s tim.



Sadeta Teskeredžić

- Nije ni ova država sjajna. Često se hapse nedužni ljudi, a sve ovo je iznenada. Nije mi jasno zašto Fahrudin Radončić.



Nedim Hasić

- Čudne stvari se dešavaju. Ovo se moglo i očekivati nakon dešavanja u posljednje vrijeme. Mada mi nije jasno šta novinari imaju s tim, jer su pretresli redakciju „Avaza“.



A. T. - A.K. Nenad Ilić

Mostar

- Ako je nevin, dokazat će se. Nikada ne treba biti u zabludi, jer svi znamo ko upravlja našim pravosuđem. Bilo je i drugih slučajeva nekih političkih pritisaka koji su uvijek završavali oslobađajuće.



Feđa Fajić

Moram koristiti onu: Niko nije kriv dok mu se ne dokaže krivica. I kao što divno reče Sveti Otac: Ko sam ja da mu sudim? Neka samo ide po pravdi i neka institucije radesvoj posao.



Mirjana Penava

- To je paradoksalno i ta tama i mrak će trajati nad nama svedok se hapse takvi svijetli ljudi kakav je Fahrudin Radončić, čovjek koji je involviran u politiku radi dobrobiti svih nas.



M. H. Zaim Čurić

Goražde

Hapse ljude koji rade progres u državi. Koaliciju želi razvaliti opozicija, ali i dijelovi struktura unutar državnih institucija koji ovoj zemlji ne žele dobro.



Kenan Garčević

- Hapšenje se dešava kada su se Izetbegović i Radončić pomirili, kada se napravila koalicija i kada je država konačno trebala krenuti naprijed. Neko je tome stao u put.



Vahid Halilović

- Sve ovo mi miriše na politikanstvo, ali prateći medije u posljednje vrijeme, bilo je očekivano da će se nešto takvo desiti. Ako ima nekih razloga, zašto se čekao trenutak kad je u BiH krenulo nabolje?



Osman Subašić
A.L.B.

Urednica BN televizije Rađen-Todorić: Akt je za svaku osudu

Novinarka i urednica BN televizije Suzana Rađen-Todorić osudila je jučerašnji upad pripadnika SIPA-e u redakciju „Dnevnog avaza“. Ona je istakla da je upad pripadnika SIPA-e krajnje neprimjeren akt koji zaslužuje svaku osudu.

- Pridružujem se novinarskoj zajednici koja je osudila ovaj čin. Naoružani i maskirani specijalci ne-



Rađen-Todorić: Osuda upada u „Avaz“

maju šta da traže u redakciji bilo kog medija i ubijeđena sam da su sve potrebne informacije mogli da dobiju na legitimnan način. Ovako ostaje taj gorak okus zastrašivanja novinara, i to od institucije koja i njima treba da pruža sigurnost u rasvjetljavanju brojnih kriminalnih djela u ovoj zemlji - istakla je Rađen-Todorić.

G. D.

Glavna urednica "Nezavisnih novina" Gojković-Arbutina: Mediji ne smiju biti izloženi pritisku

Glavna i odgovorna urednica "Nezavisnih novina" Sandra Gojković-Arbutina rekla je za "Avaz" da mediji ne smiju biti izloženi bilo kakvoj vrsti pritisaka i zastrašivanja ukoliko pokušavamo biti pravna država.

- Ordiniranje s dugim cijevima u bilo kojoj redakciji je neprihvatljivo i nema razumnog objašnjenja za to, jer su ušli u



Gojković-Arbutina: Sve je teže raditi novinarski posao

zgradu gdje su olovke najjače oružje. Istraga u ovom slučaju treba da ide svojim tokom i to ne želim da komentarišem, ali novinari su uvijek spremni na saradnju i dijalog, pa ih se tako treba i tretirati. Dugim cijevima nije mjesto u redakcijama i raditi novinarski posao očigledno postaje sve teže - istakla je Gojković-Arbutina.

G. D.



Predstavnic OSCE-a za slobodu medija

Ovakve akcije imaju negativne posljedice na slobodu medija

Prisustvo naoružanih policajaca u prostorijama lista posebno zabrinjavajuće

Dunja Mijatović, predstavnica OSCE-a za slobodu medija, ocijenila je zabrinjavajućim upad naoružanih pripadnika SIPA-e u redakciju „Dnevnog avaza“, u vrijeme kada su novinari obavljali svojeradne obaveze.

- Pratim sa zabrinutošću policijski pretres redakcije „Dnevnog avaza“. Prisustvo naoružanih policajaca u prostorijama dnevnih novina je posebno zabrinjavajuće. Iako, kako shvatam iz saopćenja policije, ovaj pretres nije u vezi s radom medija, ovakve akcije imaju veoma negativne pos-



Mijatović: Zabrinuta zbog upada naoružanih policajaca u redakciju „Avaza“

ljedice na slobodu medija - kazala je Mijatović.

Ovo nije prvi put da predstavnica OSCE-a za slobodu medija izražava zabrinutost u vezi s policijskim pretresima medijskih kuća u BiH.

- Pozivam vlasti da postupaju s posebnom pažnjom, jer je ključno da se novinarima i medijima dopusti slobodno funkcioniranje. U ovom kontekstu, potrebno je osigurati transparentan pravosudni nadzor ovog procesa. Nastavit ću da detaljno pratim ovaj slučaj - rekla je Mijatović.

A. Nu.

Reakcija Američke ambasade

Očekujemo da institucije djeluju profesionalno

Iz Ureda za odnose s javnošću Ambasade SAD u BiH prokomentirali su upad SIPA-e u redakciju „Dnevnog avaza“.

- Upoznati smo s akcijama poduzetim od agencija nadležnih za pro-

vođenje zakona. Očekujemo od nadležnih institucija da djeluju profesionalno i transparentno tokom provođenja bilo koje istrage - naveli su iz Ureda za odnose s javnošću Ambasade SAD.

Igor Šoltes, član Parlamenta EU

Korak unazad BiH na putu ka EU

Eyropski parlamentarac Igor Šoltes kazao je u izjavi za „Dnevni avaz“ da brutalni upad pripadnika SIPA-e, naoružanih dugim cijevima, nije primjer demokratskog društva već dokazivanja moći nekoga ko ne želi kritike.

- Ima takvih primjera još u regionu. Mediji predstavljaju demokratski dijalog, i tu ne treba upotreba straha kako bi se suspendirala kritička misao ili upozorenja na devijaciju društva - kazao je Šoltes.

On navodi kako su reforma pravosuđa i sloboda medija ključni za nastavak puta BiH ka EU.

- Ovakva praksa nije korak naprijed ka demokratskim društvima. Svakako, mediji su ugrožena vrsta i oni moraju dobiti svoje mjesto. Potrebno je što više razumijevanja vlasti prema medijima, koji su ogledalo politike - istakao je Šoltes te dao punu podršku novinarima i urednicima „Avaza“ u daljnjem radu.

K. Ke.

Prof. Fočo: Preispitati bahatost SIPA-e, koja straši građane

Prof. dr. Salih Fočo, dekan Filozofskog fakulteta u Sarajevu, u izjavi za „Dnevni avaz“ osudio je silu koju je SIPA koristila jučer pri upadu u redakciju „Avaza“.

- U posljednje vrijeme SIPA, rekao bih sasvim sigurno, previše koristi silu i oblike zastrašivanja, ne samo u „Avazu“ nego prilikom hapšenja bilo kojeg čovjeka prevelika sila se upotrebljava. To je nespojivo s demokratskim procesima, jer



Prof. Fočo: Nespojivo s demokratskim procesima

hapšenje ove vrste ljudi govori da bi se oni sami odazvali. To se odnosi na generale, na ljude najvišeg društvenog ranga kojima su društvo i država dali priznanje, a koji sasvim sigurno ne bi pravili otpore i smetnje. Zato je potrebno preispitati bahatost takve institucije koja više straši

građane nego što same sudionike procesa maltretiraju i dovode u nezavidnu poziciju - kazao je Fočo.

Prof. Filandra: Nedopustiv pritisak na slobodu medija

Prof. dr. Šaćir Filandra, dekan Fakulteta političkih nauka Univerziteta u Sarajevu, kazao je da upad službenika SIPA-e u redakciju „Dnevnog avaza“ predstavlja pritisak na medije, nedopustiv i nepotreban jednom demokratskom društvu.

- Krajnje je neprimjereno vršenje pritiska na autonomiju i slobodu medija. Bez obzira na to o kakvoj se istrazi radi. Na ovaj način represivni sistem unaprijed se opravdava šaljući poruku medijima o načinu izvještavanja o cijelom postupku - naveo je Filandra.



K. Ke. Filandra: Represivni sistem

Krišto i Osmanović o montaži

U pravnoj državi se odgovara i za zloupotrebu pravosuđa

Nakon privođenja lidera Saveza za bolju budućnost BiH i državnog delegata Fahrudina Radončića, predsjedavajuća Predstavničkog doma Parlamentarne skupštine BiH i potpredsjednica Hrvatske demokratske zajednice (HDZ) BiH Borjana Krišto izjavila je sinoć za „Avaz“ da ne zna pozadinu tih dešavanja.

davši da o tome jedino Tužilaštvo BiH može relevantno govoriti, „s obzirom na činjenicu da jedino oni znaju zbog čega su to i uradili“.

Osmanović je pocrtao da su „u pravnoj državi, a mi to nastojimo biti, sve institucije, organi i pojedinci podjednako odgovorni za svoje postupke u provođenju svo-

Analitičari Milan Šutalo i Denis Hadžović

Upad s oružjem je zastrašivanje

Sud i Tužilaštvo morat će dati adekvatne razloge zašto su na ovaj način postupili

Milan Šutalo, novinar, politički analitičar te urednik i vlasnik Hrvatskog medijskog servisa BiH, upad SIPA-e u redakciju „Dnevnog avaza“ ocijenio je neprimjerenim.

Neprijemljen upad

- Neprijemljeno je da policija općenito i policijske agencije upadaju u prostor gdje novinari rade ako postoji bilo kakav drugi način da policija i Tužilaštvo na drugi način dođu do tražene dokumentacije. To je uvijek nešto što bi policija trebala izbjegavati, pa tako i u ovom slučaju. Sjećamo se slučaja kada je policija upala u redakciju Klixa, tada su novinari i novinarska udruženja to osudili. Tako da je i u ovom slučaju neprimjeren upad policije, posebno s dugim cijevima. Nisu to nikakvi kriminalci niti ratni zločinci, već novinari i urednici koji rade svoj posao - ka-



Šutalo: Udar na slobodu medija i neovisnost

zao je Šutalo.

Ocijenio je da je pretresanje redakcije „Avaza“ udar na slobodu medija i neovisnost.

- To što se desilo ja bih ocijenio kao neku vrstu pritiska na novinare. Ako se u medije ulazi s dugim cijevi-



Hadžović: Je li naredba provedena adekvatno

ma i naoružanjem, to je neka vrsta zastrašivanja. Mislim da je u takvom ambijentu nemoguće raditi, novinari treba samo da nastave profesionalno raditi - ocijenio je Šutalo.

Denis Hadžović, generalni sekretar Centra za sigurnosne studije iz Sarajeva

i stručnjak iz oblasti sigurnosti, kazao je kako nije bilo lijepo vidjeti napad ovakve vrste na jednu novinarsku kuću i prisustvo naoružanih osoba.

Uznemirenje i pritisak

- Imamo kontradiktorne izjave iz Tužilaštva, koji navode da je predmet pretresa dio koji privatno koristi gospodin Fahrudin Radončić, dok slike pokazuju da su i u redakciji bili. Nadamo se da će Tužilaštvo provjeriti da li je njegova naredba provedena adekvatno od policijskih organa koji vrše istragu. Sud i Tužilaštvo morat će dati adekvatne razloge zašto su na ovaj način postupili. Upravo u tom obrazloženju vidjet ćemo da li su postupali ili su samo uznemiravali javnost i vršili pritisak na medijske slobode - kazao je Hadžović. A. Nu. - S. D.



Krišto: Raditi u skladu sa zakonom

- Ne bih željela da budem krivo shvaćena, ali sve skupa je to samo po sebi usložnjavanje cjelokupne situacije i odnosa i političkih prilika. Generalno, nije dobra bilo kakva nepotrebna demonstracija sile. Institucije koje su u funkciji zakona trebale bi da rade u skladu sa svojim procedurama - kazala je Krišto.

Šef Kluba Stranke demokratske akcije (SDA) u Predstavničkom domu Federalnog parlamenta Ismet Osmanović kazao nam je da o samom hapšenju lidera SBB-a nema komentar, do-



Osmanović: Jesmo li pravna država

jih ustavnih i zakonskih ovlaštenja i obaveza“.

- To se podjednako odnosi na sve državne organe, pravosudne i policijske institucije, ali i nosioce javnih funkcija. I tu ne smije biti nikakve zloupotrebe ni od koga i ukoliko se utvrdi bilo kakvo kršenje ustavnih ili zakonskih normi, naravno da se u pravnoj državi za to odgovara. Hoću da vrijeme pokaže i dokaže da je sve u skladu sa zakonom i da ovo postane pravna država. Je li to tako, ostaje da se vidi - kazao je Osmanović. A. Du.